



KEMENTERIAN PENDIDIKAN MALAYSIA
MINISTRY OF EDUCATION MALAYSIA
BAHAGIAN PERANCANGAN DAN PENYELIDIKAN DASAR PENDIDIKAN
EDUCATIONAL PLANNING AND RESEARCH DIVISION

Aras 1-4, Blok E8

Kompleks Kerajaan Parcel E

Pusat Pentadbiran Kerajaan Persekutuan
62604 Putrajaya

Telefon : 03-8884 6500
Faks : 03-8884 6439
Laman Web : www.moe.gov.my

Ruj. Kami : KPM.600-12/1/2 Jld. 3 (26)
Tarikh : 5 Julai 2023

YBRS. IR. TS. DR. TAJUL ADLI BIN ABDUL RAZAK

Pengerusi

Pameran dan Pertandingan Inovasi Eureka Peringkat Antarabangsa 2023 (i-EIE 2023)

UniKL Malaysia Spanish Institute (UniKL MSI)

1016 Jalan Sultan Ismail

50250 Kuala Lumpur

YBrs. Ir. Ts. Dr.,

MAKLUM BALAS JALINAN KERJASAMA DAN JEMPUTAN MENYERTAI PAMERAN DAN PERTANDINGAN INOVASI EUREKA PERINGKAT ANTARABANGSA 2023 (i-EIE 2023)

Dengan segala hormatnya perkara di atas dan surat YBrs. Ir. Ts. Dr. dengan nombor rujukan UniKLMSI/KPM/i-EIE23/JUN/(01) bertarikh 23 Jun 2023 adalah dirujuk.

2. Sukacita dimaklumkan pihak Bahagian Perancangan dan Penyelidikan Dasar Pendidikan (BPPDP), Kementerian Pendidikan Malaysia (KPM) telah meneliti surat dan kertas cadangan YBrs. Ir. Ts. Dr.. Sehubungan itu, pihak BPPDP tiada halangan untuk murid dan guru sekolah KPM untuk menyertai Pameran dan Pertandingan Inovasi Eureka Peringkat Antarabangsa 2023 (i-EIE 2023) kali ke sembilan yang akan diadakan pada 10 hingga 11 Oktober 2023 di UniKL Malaysia Spanish Institute (UniKL MSI) Kulim, Kedah.

3. Diharapkan penganjuran Pameran dan Pertandingan Inovasi Eureka Peringkat Antarabangsa 2023 (i-EIE 2023) ini dapat memberikan manfaat kepada murid dan guru sekolah KPM dalam memperkasakan TVET dan pendidikan STEM selari dengan aspirasi kebangsaan untuk melahirkan modal insan berkepakaran tinggi. Di samping itu, i-EIE 2023 turut menjadi platform kepada sekolah/institusi pendidikan di bawah KPM untuk berkongsi inovasi produk yang berpotensi untuk dikomersialkan kepada pihak industri.



4. Bagi memastikan kelancaran perjalanan pertandingan berkenaan, pihak YBrs. Ir. Ts. Dr. dimohon untuk mematuhi perkara yang berikut:

- 4.1 pihak pengajur hendaklah mendapatkan kebenaran secara bertulis daripada pihak Jabatan Pendidikan Negeri (JPN), Pejabat Pendidikan Daerah (PPD) serta sekolah yang berkenaan;
- 4.2 semua murid terlibat hendaklah mendapat kebenaran dan persetujuan daripada pengetua/guru besar sekolah yang terlibat bagi menyertai program ini;
- 4.3 penyertaan murid hendaklah secara sukarela dan mendapat kebenaran daripada ibu bapa/penjaga;
- 4.4 pihak pengajur adalah bertanggungjawab untuk mendapatkan kelulusan pengajuran program daripada pihak-pihak berkaitan;
- 4.5 penyertaan murid tidak mengganggu atau menjelaskan waktu pengajaran dan pembelajaran (PdP) /program/ aktiviti sekolah;
- 4.6 sekiranya sekolah yang dijemput mempunyai program pada hari cuti hujung minggu, pihak pengajur perlu memberikan laluan murid yang terlibat untuk mengikuti program sekolah;
- 4.7 surat ini tidak boleh diguna pakai bagi maksud untuk mendapatkan sumbangan serta tajaan daripada mana-mana pihak berkenaan;
- 4.8 tiada implikasi kewangan kepada KPM, JPN, PPD, sekolah dan murid yang terlibat;
- 4.9 pihak pengajur hendaklah bertanggungjawab menanggung semua kos pengajuran program atau aktiviti yang dianjurkan termasuk pengangkutan, makan dan minum; melainkan mendapatkan pertimbangan khas daripada Pendaftar; dan
- 4.10 bagi tujuan pengiktirafan program, pihak pengajur perlu mengemukakan permohonan kepada Bahagian Sukan, Kokurikulum dan Kesenian (BSKK).

Perhatian dan keprihatinan YBrs. Ir. Ts. Dr. berhubung perkara ini amat dihargai dan didahulukan dengan ucapan terima kasih.

Sekian.

"MALAYSIA MADANI"

"BERKHIDMAT UNTUK NEGARA"

Saya yang menjalankan amanah,



(DR. NOR SAIDATUL RAJEAH BINTI ZAMZAM AMIN)

Timbalan Pengarah Kanan Dasar dan Perancangan
Bahagian Perancangan dan Penyelidikan Dasar Pendidikan
b.p. Ketua Setiausaha
Kementerian Pendidikan Malaysia

s.k.: Pengarah
Bahagian Pengurusan Sekolah Harian

Pengarah
Bahagian Sukan, Kokurikulum dan Kesenian

Pengarah
Bahagian Pendidikan dan Latihan Teknikal Vokasional

Pengarah
Bahagian Pengurusan Sekolah Berasrama Penuh

radhiah/UniKLMSI/Laptop